



COMUNE DE TZARAMONTE

(PROVINTZIA DE TATARI)

Tzaramonte, 10 de Lampadas 2009

A sos poetes de Sardigna,

semus boghende a pizu sa prima editzione de su Premiu de poesia in Limba sarda "Santu Mateu", organizadu dai su Comune, dai sa "Pro Loco" e dai su Comitadu de Santu Mateu.

Pro ocannu su cuncursu benit intestadu a s' ammentu de Bainzu Cossiga, "su poete cristianu" de Tzaramonte, nàschidu in su 1809 e bènnidu mancu in su 1855, a s'edade de 46 annos.

Su premiu devet esser un'occasione nòdida de abboju e de ammentu de sas cosas chi nos aunin dae "Cabu 'e susu" a "Cabu 'e josso", totu fizos de una nadia: sa Sardigna.

Su cuncursu at a esser fatu a cunfromma a su regulamentu chi sighit in custa mantessi fatzada.

Sa premiatzione at a esser fata in **Dominiga manzanu, su 20 de Cabidanni, in Tzaramonte**. Sos interessados an a esser infrommados a tempus sou.

Amus a esser reconnoschentes si nos azis a onorare cun sa partetzipatzione e cun sa presentzia ostra.

A nos bider sanos

SU SINDIGU
Giancarlo Cossu

REGULAMENTU

1^a EDITZIONE DE SU PREMIU "SANTU MATEU" IN TZARAMONTE INTITULADU A BAINZU COSSIGA BANDU DE CUNCURSU

REGULAS DE PARTECIPATZIONE (COMUNES A TOTU SAS SETZIONI)

- Sos trabàglios deven arrivire intro sa **die de Martis 18 de Austu 2009 (s'at a tènnere contu de sa data de su timbru de sas postas)**, a:
"Segreteria de su Premiu SANTU MATEU in Tzaramonte" – Comune de Tzaramonte – Via Fratelli Cervi, 1 – 07030 CHIARAMONTI.
- Sun ammissos a su Prèmiu trabàglios iscritos in ogni varietade de sa limba sarda, fintzas in sas eteroglossias internas e in sardu-corsu.
- **Sos trabàglios deven giùghere iscritu in pes de s'ultimu fògliu, nùmene e sambenadu de s'autore, data e logu de nàschida, s'indiritzu giustu e-i su nùmeru de telèfono ue si diat chèrrer giamadu. Si podet imbiare finas calchi riga de "curriculum".**
- Totu sos trabàglios deven èssere imbiados in **8 (otto) còpias giaras, chi si potan lèger bene.**
- Si racumandat de impitare **fòglios chi apan medida A4 (cm. 21x29,7), lassende una doa de nessi tres centímetros a s'ala manca** pro sa regolta chi s'at a fàghere.
- Sos fòglios non cheren incollados, e nemmanco cosidos a pare. Dade nos los prontos a los partire pro los dare a sa giuria. Aggradessimus finas cunsizos pro mezorare su Prèmiu. Ponide nos los a banda intro sa busta, chena los cosire a sos trabàglios chi imbiades a su cuncursu.
- Totu sas fainas an a èssere inèditas e non deven àere àpidu reconnoschimentos in àteros cuncursos literàrios a sa die chi los sezis imbiende a nois.

SOS PRÈMIOS DE SU CUNCURSU

S'an a dare prèmios in dinari a sos primos tres classificados de ogni setzione, a cunfromma a sas disponibilidades de su Prèmiu. Poden èssere assignados prèmios ispetziales.

SU GIUDÌTZIU DE SA GIURIA EST INSINDACABILE

SETZIONES

POESIA SARDA

Ogni cuncurrente podet imbiare una poesia a tema liberu (cun rima o chentza rima). Si devet imbiare finas **una còpia de sa tradutzione in limba italiana**, chi unu cras at a esser posta a disponimentu de sos istudiosos. **Sos chi iscrien in saligheresu o in tabarchinu, deven imbiare 8 (otto) còpias de sa tradutzione in limba italiana.** Si racumandat de non nch'èssire dae su lìmite de 40 (baranta) versos. Foras de sa busta, si bi devet iscriere: **Setzione Poesia Sarda.**

POESIA PRO SU CÀNTIGU

Destinada a sa poesia cantada o de cantare. Ogni cuncurrente podet imbiare unu cumponimentu a tema liberu, sighende sos ischemas e-i sas formas poèticas e mètricas ligadas a sa traditzione (pro ocannu si comintzat cun poesias chi potan esser cantadas **a cantu in re**). In custa setzione non bi cheret sa tradutzione in limba italiana, ma est agradessidu meda si nos imbiades unu glossàriu cantu pius cumpletu, pro dare importu a sos limbazos de ogni bidda. Nos an a fàgher piaghene finas sas indicatziones chi s'autore nos cherfat imbiare subra sos ischemas antigos e-i sas formas poeticas chi at impreadu, leende in cunsideru sas traditziones de Sardigna e finas cussas pius nòdidas de sa bidda de s'autore.

Foras de sa busta, si bi devet iscriere: **Setzione "poesia pro su càntigu".**

AVERTÈNTZIAS

- A leare parte a su cuncursu est a s'indonu e non benit pedida tassa peruna
- Un'autore podet leare parte a una o a pius de una setzione de sas chi sun in cuncursu
- Sos autores premiados cun su Primu Prèmiu poden torrare a bìnchere in cussa setzione solu a pustis de tres annos
- Sas fainas non benin torradas in segus e-i su Comitadu si reservat ogni dritu de las publicare cando e comente podet capitare, finas in sa ràdio, in sa televisione e in Internet, chentza pagamentu perunu. A fora de custos impitos s'autore restat proprietàriu de sa faina chi at iscritu.
- **Leende parte a su cuncursu, cheret nàrrere chi benin atzetadas in totu dae s'autore sas règulas chi bos amus dadu a connòschere.**

PREMIATZIONE

Sa premiatzione at a bènner fata **Dominiga manzanu, su 20 'e Cabidanni de su 2009,** in sa 'idda de Tzaramonte.

Avertimus dae como chi sos autores ebbia chi an a leare reconnoschimentos dae sa giuria; an a retzire cun tempus una lìtera a domo issoro o an a benner giuilados in telèfono.

Sas poesias de cantare an a esser cantadas, dae s'autore mantessi, si si la sentit. O, si nono, dae sos cantadores nòdidos a chiterra de Tzaramonte.

SA GIURIA

Presidente: Maria Sale

Cumponentes: Nicola Tanda, Paolo Pillonca, Antonio Canalis, Stefano Demelas, Anna Cristina Serra

Segreteria: tel. 079 568025